

欽定大清會典事例

欽定大清會典事例卷七百

兵部

郵政 程限

程限。各省督撫將軍都統副都統提鎮鹽政
本章到京日期。直隸總督古北口提督宣化鎮
天津鎮均限三日。熱河都統限五日。馬蘭鎮秦
甯鎮均限二日。察哈爾都統山海關副都統正
定鎮長蘆鹽政均限四日。

盛京將軍奉天府尹均限八日。吉林將軍限十二
日。伯都訥副都統限十五日。甯古塔副都統限

十六日。三姓副都統限二十二日。阿爾楚喀副都統限二十三日。黑龍江將軍限十八日。山東巡撫限五日。青州副都統限八日。河東河道總督駐紮山東濟甯限七日。巡防黃運兩河。在河干拜進。按道里遠近增減限期。登州鎮五六七八月限二十二日。餘月限十六日。兗州鎮五六七八月限十六日。餘月限十二日。山西巡撫綏遠城將軍歸化城副都統均限六日。大同鎮限四日。太原鎮限九日。河南巡撫限八日七時。河北鎮限八日十時。南陽鎮限十一日二時。兩江

總督江甯將軍均限十三日四時。漕運總督限
十二日。京口副都統狼山鎮均限十三日。江蘇
巡撫限十四日四時。安徽巡撫限十五日。江南
提督限十七日。蘇松鎮壽春鎮均限十四日。徐
州鎮限八日十一時。兩淮鹽政限十六日。江南
河道總督駐紮清江浦拜進限十日。歲報兵馬
奏銷冊籍繁多限十二日。如遇查勘工程在途
欠拜進酌量程途遠近扣算增減限期。江西巡
撫限十八日。九江鎮限十六日四時。南贛鎮限
二十二日六時。閩浙總督福州將軍均限二十

七日。建甯鎮限二十三日。汀州鎮、海壇鎮均限二十八日。陸路提督限二十九日。水師提督限三十日。金門鎮自大輪驛起限三十日。漳州鎮限三十一日。南澳鎮限三十二日。福甯鎮限三十三日。浙江巡撫、杭州將軍均限十七日。乍浦副都統限十六日。提督衢州鎮均限二十日。定海鎮限二十二日。黃巖鎮、處州鎮均限二十五日。温州鎮限二十七日。湖廣總督、湖北巡撫均限十四日六時。湖北提督限十三日二時二刻。荊州將軍、宜昌鎮均限十六日。鄖陽鎮限十六

日。湖南巡撫限十八日九時。提督限二十日。永
州鎮限二十一日一時四刻。鎮筵鎮限二十二
日。綏靖鎮限二十三日。陝甘總督限十七日。陝
西巡撫。西安將軍均限十三日。甯夏將軍限二
十三日。固原提督限十七日。延綏鎮限十五日。
陝安鎮限十八日。河州鎮限十五日。甯陝鎮限
十八日。涼州副都統限二十四日。甯夏鎮限二
十三日。涼州鎮。西甯鎮均限二十四日。甘肅提
督限二十八日。肅州鎮限三十一日。烏魯木齊
提督限三十六日七時六刻。巴里坤鎮限三十

日十一時四刻。伊犁鎮限四十三日。四川總督
成都將軍提督松潘鎮均限二十四日。川北鎮
限二十三日。重慶鎮限二十九日。建昌鎮限三
十四日。兩廣總督廣東巡撫廣州將軍均限三
十二日。左翼鎮限三十二日六時。右翼鎮限二
十六日。提督限三十四日。碣石鎮限三十五日
六時。高廉羅鎮限三十七日。潮州鎮限三十八
日六時。雷瓊鎮限四十四日。廣西巡撫限二十
三日十一時四刻。提督限二十六日十時四刻。
左江鎮限三十一日十一時四刻。右江鎮限三

十八日。雲貴總督雲南巡撫臨元鎮昭通鎮均
限四十日。提督開化鎮均限四十五日。鶴慶鎮
限四十八日。騰越鎮限五十日。七時。普洱鎮限
五十日。貴州巡撫限二十八日。鎮遠鎮限二十
五日。古州鎮限二十七日。提督安義鎮均限三
十日。威甯鎮限三十五日。○康熙三十八年覆
准。直省赴京引

見官有奉

旨馳驛者。該督撫提鎮定限以日行二站為率。先將
起程日期並限何日到京。於文內聲明。即交本

人親身報部。儻有枉道及無故逗遛者。查出照例議處。○四十七年議准。內外緊要公文。皆交馬上飛遞。其最關緊要者。則於牌票註明。每日限行三站或四站。間有限行五站者。約計亦不過四五百里。此等公文。原不常有。乃司驛各官。多致遲延。雖屬奔馳不及。亦由催趲無方。及兵部查取職名議處。又多彼此推卸。嗣後遇有此等公文。司驛官將接收月日時刻。於號簿上填註。下站並給予上站回照。亦將何時刻接收之處書明。一有遲延。即可據此咨部。以憑照官文。

書稽遲之律。分別議處。○雍正三年奉

旨。聞駐防官兵寡婦。每年以船載送回京。江南浙江於七八月起程。福建廣東荆州等處於四五月起程。沿途換船。多致遲誤。且船夫惟利是圖。故意延挨。不肯送至張家灣。一到臨清濟甯。即稱河凍。令寡婦由旱路行走。多致苦累。嗣後各省駐防寡婦。每年於定限前展限一月起程。交與沿途地方官。於換船處速行換給。與糧船一例照管督催。務令至張家灣。庶寡婦不致苦累。○又議准。各督撫將軍都統副都統提鎮等。將本章拜發日期。於批迴內註明。投到通政

使司時。按限察覈。途中或猝遇大雨。或陰雨連綿。或河水暴漲。並路途泥淖。即將此等情由。係專差齎送者。取具經過地方官印結。係驛遞馳送者。由該地方官出具印結。均呈報通政使司。免其遲延處分。僅有無故遲延。及提塘沈壓情弊。查出照例議處。○乾隆十三年奏准。福建省並無驛馬。來往公文。皆係驛夫走遞。水路則風信不時。渡涉維艱。陸路則崇山峻嶺。登陟不易。所有軍機處交出發寄緊要公文。一入福建之界。無論限行三百里六百里。總照律載遞送公

文之例。每晝夜概行三百里。○十四年覆准。廣東省山海交錯。並無驛馬。與福建情形相同。所有發寄緊要公文。一入廣東之界。無論限行三百里六百里。每晝夜概行三百里。○十五年

諭。向來軍機處交出公文。發發馬上飛遞者。定限日行三百里。遇有最緊要事件。始以日行六百里字樣加簽。公文緩急既有不同。則遞送遲延處分。亦應分別差等。乃吏部議處此等案件。不按三百里六百里之分。但稽覈時刻逾違。皆照扣關公文例議以降一級調用。此例殊未允協。現干例議積案甚多。著量加區

別。除沈匿軍情機密事件。仍照驛站舊例議處外。其軍機處交出緊要事件。限日行六百里者。儻有逾限。准照扣關之例議處。若係軍機處常行事件。限馬上飛遞日行三百里者。逾限之處。照公文遲延例議處。著為令。再軍機處交遞公文。原係酌量事件以定程期。嗣後非遇緊急最要事件。亦不得以日行六百里簽發。○十六年奏准。遞送本報渡涉江河。因風不順。有舟楫之所難施者。即取具確實印結報部免議。○又議准。安徽江蘇陝西甘肅山東五省馳遞公文。按事緩急。仍照六百里三百里定限簽

發其餘不能日行六百里者。如直隸宣化府屬之長安、鵬鶚、赤城、雲州、熱河道屬喀喇河屯。

今設

梁平縣均限行三百里。山西至豫省經由盤陀等

驛。限行四百里。江西與閩浙二省接壤經由之

德化等縣驛。或係偏僻山徑。或係田塍小路。均

限行四百里。湖北自東湖縣至成都。限行四百

里。浙江自會江起至福建之小關。江西之玉山

各驛。無額設馬匹。用夫遞送。限行三百里。廣西

用夫遞送。山路崎嶇。限行二百里。其自廣西至

廣東省城。乘船遞送。限行三百里。廣東至湖廣

廣西省。水勢逆流。均限行二百里。其自省城至福建。限行二百四十里。四川自成都至各省。限行四百里。其自成都至打箭鑪。亦限行四百里。雲貴至各省。其境內限行四百八十里。福建用夫遞送山路險仄。限行二百四十里。河南湖南二省公文。照舊例三百里。六百里簽發。其豫省境內黃河阻隔。楚省自祁陽至粵西。路窄嶺峻。俱准展限一時。

盛京限日行兩站。吉林自甯古塔至三姓。琿春地方。限日行一臺。其餘俱限日行兩站。黑龍江限

日行三站。其軍機處交發報匣夾板。並加封書字。除福建廣東廣西三省。無論限行三百里六百里者。俱行三百里外。其餘各省。俱照三百里六百里簽發。○十八年覆准。軍機處交出發寄外省緊要公文。及部院衙門緊要公文。有晝夜限行六百里者。沿途驛站。若有遲延。除不及三刻。例無處分。及雖逾三刻以上。或因猝遇大雨。或陰雨連綿。或河水暴漲。並路途泥淖者。取具印結報部。始准免議。但此等限行六百里之事。皆係責成馬夫遞送。奔馳之際。或馬驚被跌。或

渡涉被溺。或馬夫因此致斃。此皆非無故遲延。准其取具印結送部免議。○三十三年議准。凡議處案件。於各省查取職名者。該省查辦。雖由所屬兩司。副將參將協領佐領等官覈轉。總以接奉部咨之日為始。定限十日出文咨送。如有必須行查所屬者。即按轉查程途月日若干。逐一扣明咨部覈定。其各省到京程途限期。直隸總督衙門。至京三百六十里。限四日。熱河副都統衙門。至京四百三十里。限四日。察哈爾副都統衙門。至京四百一十里。限四日。山海關副都統

衙門。至京六百七十里。限七日。山東巡撫衙門。至京九百二十里。限九日。青州副都統衙門。至京一千。限十日。歸化城副都統衙門。至京一千一百二十二里。限十一日。綏遠城將軍衙門。至京一千一百二十五里。限十一日。河東河道總督衙門。至京一千一百四十五里。限十一日。山西巡撫衙門。至京一千二百五十里。限十二日。河南巡撫衙門。至京一千五百四十五里。限十五日。

盛京將軍奉天府府尹衙門。至京一千五百里。限

十五日。漕運總督衙門。至京一千九百七十五里。限二十日。兩江總督江甯將軍衙門。至京二千二百六十一里。限二十三日。京口副都統衙門。至京二千三百十二里。限二十三日。安徽巡撫衙門。至京二千五百二十六里。限二十五日。陝西巡撫西安將軍衙門。至京二千五百五十里。限二十五日。江蘇巡撫衙門。至京二千六百七十里。限二十七日。湖廣總督湖北巡撫衙門。至京二千八百二十七里。限二十八日。吉林將軍衙門。至京二千八百八十二里。限二十九日。

浙江巡撫杭州將軍衙門。至京三千零五十里。
限三十日。乍浦副都統衙門。至京三千一百二
十里。限三十一日。江西巡撫衙門。至京三千一
百九十六里。限三十二日。荊州將軍衙門。至京
三千三百八十里。限三十四日。湖南巡撫衙門。
至京三千七百五十七里。限三十七日。黑龍江
將軍衙門。至京三千九百八十三里。限四十日。
甯夏將軍衙門。至京四千零五十里。限四十日。
陝甘總督衙門。至京四千一百十五里。限四十
一日。涼州副都統衙門。至京四千三百里。限四

十三日。四川總督成都將軍衙門。至京四千七百七十里。限四十八日。閩浙總督福州將軍衙門。至京四千七百七十五里。限四十八日。貴州巡撫衙門。至京四千九百里。限四十九日。廣西巡撫衙門。至京五千四百六十九里。限五十五日。兩廣總督廣東巡撫廣州將軍衙門。至京五千五百七十里。限五十六日。雲貴總督雲南巡撫衙門。至京六千零二十五里。限六十日。其行查公文限何日到省之處。即於封面上註明。該省咨覆各部公文。亦將限何日到京之處。於封

面上註明。於接到公文時。按日覈對。如有逾違。查係何處遲延。即將該管官照例議處。○三十年議准。新疆各路奉差人員。除奉

特旨前往。及有緊要事務。專差來京者。均當儘力趕行。毋庸豫定期外。其尋常派委人員。總以日行一百里為率。如有遲違。由京赴新疆者。令該處大臣查覈參奏。由新疆來京者。令該管大臣查覈參奏。均交部議處。○四十年議准。福建各屬。陸路則崇山峻嶺。水路則浪險灘高。一切公文。向藉人夫走遞。向例軍機處交發事件。日行

三百里。各省公文。日行二百四十里。緣嶺路崎嶇。既非馬匹所能馳驟。而人夫走遞。日行三百里。實難責令加增。但軍機處緊要事件。既可限行三百里。則督撫往來緊要公文。亦可一律辦理。嗣後除尋常事件。仍照例走遞外。如遇各省限行六百里公文。亦飭令日行三百里。湖南省東南與廣東接壤。自省城至衡陽縣。原有驛路。而自衡陽宜章與廣東交界之三峯堆。係屬山僻小路。未設驛站。遇有緊要公文。各該縣設立健夫齋遞。嗣後照廣東差役齋遞之例。限日行

二百四十里。廣西省地處邊陲。山嶺居多。向未設有驛馬。遇有緊要公文。均差捷足遞送。名曰千里馬。每晝夜限行二百里。緣軍機處交發報匣夾板加封。及督撫緊要文移。限行四百里五百里。原非常有。若用馬匹逐日馳遞。一應尋常公文。易致疲乏。若僅用馳遞緊要文移。則空閒日多。更覺糜費。今酌量各縣添設腰站。輪派健夫一名。住宿站上。遇有緊要文報。每晝夜酌改限行三百里。不准照舊二百里扣算。○嘉慶六年奏定。凡限行六百里加緊公文。若不依限

馳遞將遲延三刻以上之員降一級調用。兼管臺站上司降一級留任。如係限行四五百里緊要公文。將遲延三刻以上之員降一級留任。上司罰俸一年。限行三百里公文。遲延三刻以上之員罰俸一年。上司罰俸六月。若因中途遇雨連綿。河水漲發。及馬驚跌斃馬夫等事。取有地方官印結報部。並逾限一二刻者。俱准免議。其無故遲延至三刻以上者。該督撫據實查叅。照例議處。○九年覆准。湖北省新設提督。駐紮穀城。襄陽鎮總兵改為鄖陽鎮總兵。駐紮鄖陽。遇

有限行摺報。經由王政橋至穀城。及鄖陽鎮總兵衙門駐紮鄖陽府。經由鄖縣均州穀城。均係山路崎嶇。健夫走遞。凡遇接遞五六百里文報。嗣後照日行二百四十里計扣。其襄陽縣屬漢江驛至王政橋。雖可馬遞。亦屬山路崎嶇。委難馳騁。即照日行四百里計算。覈與健夫遞送公文之廣西福建等省日行二百四十里及該省東湖至成都馬遞限行四百里之例。均屬符合。准其照辦。○十一年覆准。鄖陽鎮總兵駐紮鄖陽府城。本章到京程限。應行十六日二時二刻。

現據聲稱酌量安設步站。與前議較近三十五里。嗣後該鎮本章到京。改為限行一十六日。○道光四年奏定各處程限。俱於批迴內註明。如遇有緊要本章。必須連夜星馳。亦於批迴內註明程限。同本章投遞通政司。將批迴限期查覈。如遲誤三刻以上者。交部查議。遲誤三刻以下者。免其查議。儻途中猝遇大雨。或陰雨連綿。河水暴漲。路途泥淖。及馬夫跌斃。溺斃等情。係專差齎送者。取具經過地方官印結。隨本批呈明通政司查覈。並令該督撫按月彙總報部。儻該

承差業經報明。而該地方官不即出結。通政司移咨兵部。將該地方官照例議處。儻並不呈報。以及無故遲延。兵部行文該督撫。將該承差從重懲治。係驛遞馳送者。由該地方官出具印結。申報兵部通政司。免其遲延處分。儻有故意遲延。及提塘沈壓情弊。查出交部治罪。○又奏定。凡專差齎送本章。撥差正副二人。儻遇一人有患病等事。取具地方印結送部。於火牌內扣除騎馬一匹。即令一人按限馳送。如有捏病稽留等情。該地方官不行查明。遽行出結者。查取職

名咨送吏部議處。○又奏定新疆滿營武職官

員引

見例係遇差馳驛來京。除在京守候日期不計外。仍照該處原定程限。伊犁往返二百十日。烏魯木齊古城往返一百九十日。吐魯番往返一百八十日。巴里坤往返一百五十日。如違程限均照綠營官員赴部赴任違限例。分別議處。○咸豐

十一年

諭前因巴棟阿袁甲三王履謙田在田清盛五處六百里摺報於本月二十七日酉刻同時遞到。諭令兵部

查明沿途何處淹留遲滯。嚴叅具奏。茲據兵部奏查明各該處發報日期。覈計里數扣算。均不應同時遞到。惟各該省沿途驛站。有無繞越之處。請飭直隸等省查明等語。著直隸總督山東巡撫兩江總督江蘇巡撫安徽巡撫迅即查明巴棟阿等摺。係由何處積壓遲延。指名嚴叅。並著直省各督撫嚴飭所屬。遇有軍報。務須按站馳遞。不得任意延誤。以肅郵政。○又諭軍報稽延。未有近來之甚者。前於二十八日。一時之內。連到十二處。昨日戌正後數刻內。又到十一處。雖朕披覽不覺過勞。然事非一省。頭緒紛繁。豈能纖細

無遺。不知在何處逗遛。可惡已極。著兵部嚴飭迅速查明。究在何處積壓。何處遲滯。即將該督撫臬司等分別輕重。請旨嚴懲。以儆將來。不准以一行文了事。辨如不辨。該督撫臬司等平日玩泄從事。積習已深。經朕此次嚴諭後。若仍漫不經心。則是自貽伊戚。無足顧惜。○又

諭。昨因軍報稽延。諭令兵部查明。係在何處積壓遲滯。即將該督撫臬司等分別輕重。請旨嚴懲。本日據穆蔭等奏。遵查軍報稽延時刻。開單請飭查辦等語。各省摺報。均應按限馳遞。乃據穆蔭等查開三月二十

七二十九兩日。各處奏報有遲至數日始到者。甚至有遲至三十餘日始到者。其東直門腰站遞至熱河時刻。據稱亦有遲誤。似此任意耽延。殊屬不成事體。所有遲延軍報之本省及經過地方之督撫臬司等。著該部查取職名。分別輕重。從嚴叅奏。並著勒限一月。令各該督撫臬司等查明積壓遲延之地方官。嚴叅懲辦。如逾限不行查覆。即著該部將該督撫臬司等指名嚴叅。其東直門腰站顯有積壓情弊。順天府兼尹張祥河。府尹董醇。著先行交部嚴加議處。○又諭前因各省接遞軍報遲誤。諭令兵部將各該督撫臬

司等從重嚴叅。茲據兵部將遲誤時日。並未填日期遺失尾單各省分。查明開單覆奏。湖北山東接遞晏端書德楞額李續宜等奏報有數日未填接遞日期。該督撫臬司等實屬督催不力。所有湖廣總督湖北山東各巡撫臬司等均著吏部查取職名。先行嚴加議處。其樂斌奏報。經由甘肅陝西山西直隸等省傳牌尾單。係在何省遺失。抑係原發省分。未經黏連。著各該督撫臬司等查明聲覆。由兵部奏請嚴加議處。其餘接遞軍報遲誤時日之各省督撫臬司等均著交吏部按照單開分別輕重議處。並著各該督撫臬

司於接到部文後。按照單開各件。勒限一箇月。查明積壓遲延之地方官。嚴參懲辦。其繞道處所有無遲誤。一併查明。據實參辦。至遺失尾單及未填寫日期。尤非尋常疏忽可比。著甘肅陝西山西直隸山東湖北各督撫臬司。挨站根究。從重懲處。儻逾限延不查覆。即著兵部將該督撫臬司指名嚴參。另片奏請將直隸總督臬司嚴議。並嚴定填註接遞時刻等語。東直門腰撥接遞文報遲誤。順天府兼尹張祥河等業經降旨交部嚴加議處。署直隸總督文煜。按察使吳廷棟。著一併交部嚴加議處。至各省文報繞道地方。

該州縣恃非正站。難免有蒙混造報情弊。並著各該督撫臬司。按照兵部所奏。嚴飭各屬。查明何處應行改道。簽明時日里數。毋許稍有錯漏虛捏。並將傳牌尾單妥為收執。以便稽查。○同治元年

諭前因各路軍報驛遞。任意遲延。疊經

皇考文宗顯皇帝屢次嚴加申飭。現在各路軍報仍未按照里數剋期遞至。事關軍務。豈容如此延玩。嗣後著兵部於接到後。按計日期里數。如有遲誤者。即行文各直省督撫沿途挨查。嚴行叅處。其尋常奏事。該直省督撫等亦不得率行由驛馳遞。以符定制。而杜

騷擾。○又議准西北兩路將軍大臣等由京奉

旨簡放。照例馳驛。向由兵部辦給勘合。而領取勘合
及起程赴任各日期。並無定限。嗣後該將軍大
臣等自奉

旨之日起。限三十日赴部領取勘合。限票領取後。限
三十日起程。由該旗將起程日期報部。其由外
調任者。自該處奉

旨後。限二十日起程。應將本任赴新任若干里數。並
起程到任日期。詳細報部。以憑查覈。如有逾限。
均照違限例覈辦。○又議准新疆各處程站里

數限行日期。令該將軍大臣等依限行走。到任後即將到任日期報部。以憑查覈。如有逾限。照違限例覈辦。伊犁至京。計程一萬一千五百四十九里。限一百九十三日。塔爾巴哈台至京。計程九千六百二十四里。限一百六十一日。科布多至京。計程六千二百八十里。限一百零五日。烏里雅蘇台至京。計程四千九百六十里。限八十三日。庫倫至京。計程二千八百八十里。限四十八日。○十一年奏准。湖北襄陽縣所屬之石灰窰。獨樹。程稍渡。宜城縣所屬之小河。明正店。

五處。舊設驛路。因被河水衝塌。改由崗嶺紆折行走。計須繞道三十二里。所有文報繞遞。加增三十里。照一百二十里程限扣算。以重郵傳而免遲誤。

欽定大清會典事例卷七百一

兵部

郵政 疆護

疆護。康熙四年題准。赴任文職道員以上有
敕者。奉

旨差遣。各部公務差遣。齎頒

詔書。改換印信。發往各省茶引鹽引。押送逃人犯人。
及各省駐防旗下官兵等項。兵票內開沿途撥
兵護送。不許過二十名。如遇險要地方。酌量添
給。至齎送

欽賞並

盛京銀緞等物。江甯等處織造緞疋餉銀。部發各省馬匹。各營棚椿銀兩。各將軍標下兵丁買補馬匹。流徙人犯等項。俱酌量多寡撥兵護送。○十二年題准。赴任關差及駐防一二戶撥兵八名以下護送。○二十八年覆准。凡一應差遣。赴任回京家口等項。應給兵丁二十名者。減給十名以內。其駐防單行披甲人。給兵二名。○三十四年

諭。近見大路綠旗兵丁。正項差使。無甚勞苦。皆因護送

往返經過官員人等。以致人馬無休息之暇。甚屬勞苦。俱係私給司印牌票撥兵護送。嗣後理應撥兵護送之公務。及赴任官員。給發部印牌票。其私事官兵護送者。嚴行禁止。著該提督總兵官等。將弁兵若干護送緣由總數。歲底繕造清冊報部。爾部奏聞。○又議准公事差遣。有應撥兵護送者。照勘合火牌之例。給予兵牌。以憑沿途查照應付。其私事一概不准撥兵。各督撫提鎮一年撥過兵若干名。詳開護送緣由。於年終造冊報部查覈彙題。○又題准各關差解送稅課。除臺銀人夫。照數給

火牌。護送兵丁。酌量給兵牌外。驛馬概不准給。
○雍正元年奏准。營汛額兵。原為操防而設。除
頒

詔遣祭解運

御用之物。及奉差官領有

赦印。並解運餉銀緞疋等項。押解人犯。均給發兵牌。
撥兵護送外。其餘升任赴任。或尋常事奉差。及
駐防官攜帶家口行走者。均不准給發兵牌。○
六年議准。嗣後鹽課銀兩。起解京協。照例酌計
銀數。遴選解員。豫先移會前途督撫。飭發官兵

護送交替。嚴飭解員遵牌按站而行。夜宿州縣
交明地方官。多撥人夫巡守。如有疏虞。該管督
撫。即將經過之地方文武各官。照例題叅著賠。
儻該督撫御史不移會前途督撫。解官不知會
地方官。仍潛行小路。一有疏失。地方各官止照
疏防例議處。私行小路之解員。照差遣官員枉
道例處分。所失餉鞘。著落解官名下追賠。如解
官不能完繳。即著差委之上司賠解。○十三年
議准。解運銅鉛在三十萬斤內者。撥護送兵十
二名。若銅鉛數有增減。撥兵亦酌量增減。押解

人犯每犯撥護送兵二名。其隨行妻子不在撥兵之例。或有重大要犯。妻子亦應撥兵護送者。該督撫臨時酌增。仍將緣由報部查覈。至解運餉銀及各項物料數目。不能豫定。所有撥兵護送之處。該督撫酌量辦理。均於兵牌內明白登註。○乾隆二十五年議准。嗣後凡州縣解運司道各庫銀兩。添撥兵役護送。仍先移會前途文武衙門。豫派兵弁。備齊夫馬車輛。除接遞州縣官已准移文。不撥兵役護送。仍照定例將不照數給夫。及遲延勒捐之處。查明分別議處外。如

起解州縣。不豫先知會前途。任聽潛行小路。不請撥護者。即餉銀未至被失。亦將起解州縣官。照遺漏行文例。罰俸一年。其或餉銀已至被失。督撫照劫失餉鞘定例。題叅疏防。仍將不知會前途。任聽解役潛行小路之起解官。及不照數給夫之接遞官。一併查明照例議處。○又議准嗣後凡解送餉鞘。如係經由大道。知會地方官弁護送。仍致劫失者。仍照定例處分。其有解送官潛行小路。未經知會前途。以致劫失者。將解官照例革職追賠。其承緝之地方文武各官。照

盜案疏防例議處。又覆准嗣後各省運京餉銀銅鉛等項。凡由水陸行走者。除填給兵票外。令各督撫將應派護送兵丁數目。移咨前途各省總鎮道員。轉行經過地方官。照數僉派押解。○又議准嗣後凡州縣解運司道各庫銀兩。計其數在一萬兩以下者。撥兵一名。民壯二名。一萬兩以上者。撥兵二名。民壯四名。如數至二萬兩以上者。按數添撥。遇有疏失。分別議處賠補。○二十六年議准嗣後各州縣除應領俸工養廉。係本官自行支開之項。及請領銀兩數在一

十以下為數無多者。仍聽其自行慎選丁役領回。毋庸撥差兵役護送外。其有請領採辦倉糧修理工程及一切動支公項銀兩數至一千兩以上。至一萬兩以內者。照起解錢糧之例。撥兵一名。民壯二名。一萬兩以上至二萬兩者。撥兵二名。民壯四名。如有數至二萬兩以上者。酌量添撥。逐程交替。司道衙門。於未發銀兩之先。將應發銀數。並應撥兵役豫期行知。首縣飭令。知會前途文武各衙門。一體派撥兵役。按站防守。護送。仍將護送過境日期緣由。通報查覈。儻有

疏虞將僉差承領官及經過地方官弁悉照州縣起解錢糧之例分別追賠叅處。○三十五年奏准嗣後琉球入貢自閩起程之日該撫於同知通判中遴委一員護送一面知照前途地方官將例用船隻夫馬豫行備辦接送按省派委同知等官一員更換交代毋須一人長送其餘各省凡有外國入貢者俱令該督撫照此辦理。○三十六年

諭該部因琉球貢使到京逾期議令派出伴送之員按省更替以防其沿途稽滯而未能切當事情如福建

之琉球雲南之南掌貢使初至該省皆有應行照料事宜既派有承辦伴送之員即當始終其事若慮派員在路託故遷延止須於經過各省添派妥員護送趨行若以此而議停長送專員何異因噎廢食所有外國貢使來京及由京歸國派員伴送及各省添員護送之例著該部另行定議具奏欽此遵

旨議定嗣後各省貢使到境該省即於同知通判中遴委一員應用武弁者並酌派守備一員伴行長送至京並一面知照經過各省豫行添派妥員護送趨行按省更替其回國時仍令原派委員

長送經過各省亦仍遴委妥員護送出境○又
議准差員應領關防

敕書例需撥兵背護嗣後除該差員領有關防印信
起程者即將兵票辦給外其請領

敕書由內閣用

寶給發者兵部於各衙門支取時即照例辦給兵票
移送內閣同

敕書一併交科轉發各省提塘官乘便齎交俟該差
員祇領後再行知該地汛弁照依兵票撥兵背
護○三十九年覆准各省餉鞘數在十萬兩以

下者。仍照向例。令沿途逐汛千把外委等。按程
接送。其數至十萬兩以上者。俱令豫行咨明。沿
途督撫酌派該營附近大路之將備等官。督率
弁兵。分起護送。逐程交替明白。始准回營。遇有
疏失。除銀兩仍令文員照例分賠外。該營將備
照地方州縣一律議處。○四十年奏准運解銅
鉛銀兩等項。委員所執兵牌。照舊持赴各站黏
貼印花。以防逗遛越站之弊。如委員不赴站黏
貼印花者。查出罰俸一年。○四十四年奏准嗣
後旗員歸旗。務照例飭派兵役。按程撥護。並飭

令該員候同兵牌起程。以防繞道稽留等弊。○五十年議奏西藏來使往來。應派理藩院主事沿途照料。經過各省。派文職同知通判等官。武職都司守備等官各一員。帶領兵役彈壓護送。各按本境程站。催令前進。仍報明出境入境日期。以備查覈。如中途不遵法度。滋擾地方。即著護送來使之主事。會同地方官酌辦示懲。至由京回藏。馱送包裹。由理藩院發五城雇羸應付。其贏價銀兩。交護送之筆帖式。沿途按站支給。如中途長羸疲乏。該筆帖式知會護送之地方

官臨時雇換。仍由該筆帖式給價。毋許派累。儻有遺失包裹等事。地方官勒限緝獲。仍作速交給來使。如不能尋獲。將護送官員並地方官一體察議。奉

旨。主事同知等官。職分尚小。不足以資彈壓。著改派理藩院郎中或員外一員。照料護送。其經過地方。著該督撫揀派道員一員。會同武職。沿途防護。嗣後各該督撫。於衛藏喇嘛過境時。即照奏定章程。妥為照料。並飭護送道員等。實力彈壓。其依限出境日期。該督撫據實奏聞。儻有仍前玩愒滋事之處。朕必將派出

之道員治罪。又

諭聞向來前後藏喇嘛年班來使進京途中偶有遺失物件。地方往往厚為賠償。以致來使人等屢報失物。此則不成事體。喇嘛來使。如果途中被竊。亦止應官為緝贓給予。何得私行賠補。致啟詐冒之漸。嗣後沿途各督撫。凡遇前後藏喇嘛進京經過。惟當嚴飭地方官照例防護。若來使等途次有遺失物件。止准其呈明。代為緝獲。付給。不得私相賠補。致啟弊端。本朝德威所被。四夷賓服。衛藏不遠萬里。嚮化而來。朕以其修行出家之人。厚加賞賚。亦不過厚往薄來之意。

非若元季之護庇番僧。致有詈罵割舌毆打截手之事。地方官不能仰體朕意。惟知迴護處分。因循賠償。轉似畏怯。使無知之徒。將以本朝或踵元季尊崇喇嘛之習。於政治人心。大有關繫。儻嗣後喇嘛等尚不知自愛。仍有此貪詐妄為之事。朕不難將伊等治罪。西洋天主教一案。是其明驗。若各督撫因有此旨。一切不顧。縱令盜賊行竊來使之物。貽笑來使。則其罪必更不恕。其善體朕懷。以副朕德威綏緝之至意。

五十三年

諭。昨禮部奏緬甸貢使到京時。在西城會同四譯館居

住請照例咨取章京二員。驍騎校四員。兵二十名。以資彈壓巡防等語。從前定例。咨取官兵在該館看守。自因外邦陪臣來京朝貢。未習天朝體制。其跟隨人衆。或恐外出滋事。是以派令官員兵丁。於該館為之照應稽查。然實有名無實之事耳。今緬甸貢使來京。本有道員遊擊等官護送。其在館居住時。儘可令護送之員。妥為照料。何必多派官員兵丁。住宿該館。巡查彈壓。徒為具文耶。此外如安南琉球暹羅南掌等國。按期入貢。俱有伴送之員。亦不藉官兵等查察。若朝鮮年朔朝正。每歲使臣來京者。絡繹不絕。竟與世

臣無異。該國入貢。向不由盛京派員護送。使臣人等頻至京師。亦久習朝廷體制。更無須另派官兵為之守視。嗣後會同四譯館。咨取官兵虛應故事之處。著永行停止。以示朕綏輯懷柔遐邇一體之至意。○五

十五年

諭。從前因前後藏達賴喇嘛班禪年班來使進京。經過地方。多有擾累。各督撫等不能約束。屢經降旨曉諭。特命軍機大臣會同理藩院將應付各事宜酌定章程。通行遵照。並令各省揀派道員同武職沿途防護。該督撫等理宜嚴行稽查。照例辦理。乃本年衛藏喇

嘛來使入貢行李包件。車載夫送。絡繹道路。數日不絕。並無派出官員稽查護送。若任其騷擾驛站。不為飭禁。又恐如從前捏報遺失物件。責令賠償。致啟訛索詐冒之漸。更屬不成事體。且伊等經過各省。止有例給羸頭。如運送多餘包件。俱係自行雇備。並無官給車輛夫馬之例。其沿途伴送大員。專為照料喇嘛。不准滋事而設。亦應隨同行走。今甘肅陝西山西直隸等省。既無官員護送。又復濫應夫馬。喇嘛等見沿途無人管束。攜帶私包過多。任意需索。地方官員遂以例給羸頭不敷。違例供應。各督撫等漫不經心。而

委出之道員等。又不親身彈壓。惟以過境無事一奏。塞責實難。辭怠玩之咎。朕常歷觀史冊。漢唐宋明之世。恐召邊釁於外國貢使。往往曲意優容。任其恣睢橫肆。因此為外夷所輕。轉生大患者。不可勝數。我國家德威遠。被中外一家。四夷來享。來王莫不賓服。迥非前代可比。朕因其遠赴闕廷。輸誠嚮化。每格外加恩賞賚。以示厚往薄來之意。即衛藏喇嘛來使。亦以伊等不遠萬里而來。是以優加體恤。酌給贏頭運載包件。如果不知安分。滋事妄為。仍當照例治罪。即如近日達賴喇嘛之弟兄等。倚勢滋擾。尚命拏送來京。

治罪。何況所遣之來使。僅以微末喇嘛。聽其妄為。轉不加懲究乎。嗣後著各省督撫認真稽查。凡外夷陪臣。及喇嘛來使過境。嚴飭州縣照例應付。並各派妥當道員。遞行護送行走。若敢仍前濫應差使。即行劾參。該督撫如有徇隱。一經發覺。必當從重治罪。決不姑貸。○五十六年奉

旨。嗣後停止出派照料年班伯克人等行走來京之侍衛。著交地方官轉相照料行走。欽此。遵

旨議定。嗣後年班伯克來京。

光緒九年

由伊犁將軍知照

甘肅省。豫行出派內地道府參遊。至哈密等候。

將伊等照料轉行。送至各省交界。由該省派員
接替護送。其直隸出派之員。照料至京。交理藩
院派員照料。至回往時。仍令直隸派員來京照
料。轉相護送前往。到哈密時。交該處辦事大臣。
令其各回游牧。○五十八年

諭。現在英吉利國貢使瞻覲事竣起程。令由內河水路
前往廣東澳門。附該國貿易船隻。放洋回國。所有經
過各省。專派大員。管領兵弁。接替護送。各該員務須
迎至入境交界處所。協同妥為照料管束。○嘉慶四
年奏准。每年土爾扈特霍碩特等。至

避暑山莊八

親並回子伯克等年班入

覲及回往原處經由各省均派委滿洲道員副將照
料。如現任滿員不敷。再於滿洲知府參將遊擊
內酌量派委。各依本省程途日限。分界接替。催
趙護送。其年班之回子伯克等。務於十二月二
十日以前到京。毋致遲誤。儻照料之員催趙遲
延。或並不親身接護。以致沿途滋事者。該管督
撫查明參處。十五年奏准。前往蒙古地方致
祭官員。其

敕書。派營官一員兵二名背護。二十一年

諭。嗣後每年伯克過境務遵照定例。派委道府大員接護。二十三年

諭。長齡等奏後藏堪布多帶包物一摺。本年後藏班禪額爾德呢遣使進貢。例外多帶物件一百餘包。本應照例扣留。該堪布籲請自雇腳力。隨後行走。不敢煩勞驛站。念其遠來朝貢。姑如所請。賞給路票。令其由內地行走。以免盤詰。至該堪布例外多帶包物。由藏啟行時。該駐藏大臣不先行查禁。聽其違例多帶。著查明交部議處。嗣後西藏堪布進貢來京。務令遵照

定例除正貢包物外。如有例外多帶貨物。聽其自備。夫馬所過驛站。概不准應付。以肅郵傳。○道光二年諭。阮元奏暹羅國王遣使呈進例貢。並遣使臣豫期恭齋貢品。候祝來年萬壽一摺。暹羅國本年屆例貢之期。該國王如期遣使入貢。並因癸未年朕萬壽慶辰。遣使敬齋表文方物。進京恭候祝嘏。情詞懇切。實屬出於悃誠。所有該國王例貢。准其於本年呈進。該督等將齋進例貢使臣委員伴送起程。令於本年內到京。其齋進萬壽貢之使臣。亦著該督等酌量派員護送。於明年七月內到京。屆期呈進。所有該國正副使

貢船准其於本年底先行回國。該督等即傳諭該國王遵照可也。○四年奏准督撫提鎮等將不應撥兵護送之項私發牌票撥給兵丁及私騎營馬者照例議處其副將以下等官私發牌票濫行撥給兵丁及私騎營馬者本官及該督撫提鎮均各分別議處。○又奏准兵票兼寫清漢一紙黏貼尾單沿途營汛驗票撥給兵丁即於尾單內填明並無多索亦無違誤緣由用印記鈐蓋若有藉稱緊急事務將兵牌不與驗看騷擾營汛多索兵丁者該營員毋得鈐蓋印記即將騷擾

情由。多索兵丁若干名。分別揭報兵部。以憑題
叅。將騷擾營汛者。係官員照例議處。差役杖一
百。多索兵丁一名者。差役杖八十。二名者杖九
十。三名以上者杖一百。係職官分別議處。儻並
無兵牌。誑詐索取護送兵丁。該營員一面詳揭
該督撫提鎮具題。一面報部。係職官亦照例議
處。無職人審擬治罪。若執持兵票。並無多索。營
汛藉端遲延不行。鈐蓋印記。許差員詳揭。將該
營員照例議處。○又奏准各省學政應領

敕書。由內閣給發。該員未及親領者。兵部於各衙門

咨取兵票時。即行辦給。移送內閣。隨同

敕書交科。轉發各該省提塘。將兵票封固。交齋送本
章奏摺之差弁。乘便齋交該員。祇領其沿途地
方汛弁撥兵三名背護。○又奏准各省丁憂老
病勒休叅革旗員。攜眷回旗。以及故員家屬扶
襯歸旗者。由各該督撫按照經由各省程站。覈
定到京日期。咨報部旗。並查明家口數目。十名
以下者撥兵役各一名。十名以上者撥兵役各
二名。填給兵牌。並填明經由省分。經過沿途州
縣營汛。照數撥護。並填明到站日期。儻遇雨水

難行之處。必須繞道行走。准其報明地方官。一面出結申報督撫咨部查覈。一面於牌內聲明繞道緣由。以便沿途照驗。如原牌不敷填寫。准其於牌尾黏貼餘紙。鈐蓋印記。到京十日內將原領兵牌呈繳兵部。如有私自枉道違限者。許該地方官詳報督撫咨部查辦。儻地方官不即撥護及遺漏。請給兵牌者。查出叅處。○又奏准各省來京控告之原告人等。由部解往備質者。按每名派營官一員。撥兵四名。票傳沿途按每名派營官一員。撥兵二名。州縣派的役二名。協

同護送。○又奏准派往各省駐防官兵自京起程由欽天監擇日分起。間二日行走一起。兵部奏請

簡派兵部堂官一員。都統一員。催趨照料。送至保定府交直隸地方官接替。並開列經由各省藩臬職名。奏請每省

簡派一員。總理稽查。○十四年

諭。楊遇春等奏酌議護送前後藏貢使章程一摺。據稱夷使堪布往返。向由西甯口外草地行走。歷年派兵在通天河附近地方接送。惟果洛克等族番窺伺搶

劫習為常技。堪布等人少馱多。行走未能迅速。一遇搶劫。又不能抵禦。自應妥為照料防護。以便妥速過境。嗣後堪布往返行走。著派察罕托洛亥防所官兵一百員名。護送至扎素拉青海界外。以防搶劫。並著駐藏大臣。豫期密會。以便派兵在通天河等候接送。並諭知該堪布等。不准額外攬帶貨包。以免逗遛。

又覆准本省起解軍流等犯。除照例請用兵護等牌。逐站於牌內仍行黏貼州縣營汛印花鈐記外。另行添備印花簿本。照牌加黏經過各站州縣營汛撥用兵役名數。到站月日。填用印花

鈐記黏貼簿內。隨犯遞至本省出境末站。即行扣留簿本。按月彙齊申繳。照簿稽覈。○十五年

諭嗣後著沿途各督撫於貢使到境。務將所有貢物及貢使行李。詳細開載印單。到京時。禮部轉行崇文門。隨即驗放。不准稍有稽留。至護送人員。應用夫馬舟車。務須遵照品秩。嚴飭首站轉傳各驛。不得逾額濫支。僮各該督撫填給勘合護送行李。並不分別裝載。令該貢使等守候稽延。或致有影射夾帶等弊。即著該稽查稅務御史據實參奏。○二十六年

諭理藩院議奏。遵旨妥擬迎接哲布尊丹巴呼圖克圖

之呼畢勒罕各項事宜一摺。朕詳加披閱。與前五世
迎接哲布尊丹巴呼圖克圖之呼畢勒罕辦過成案
相符。均依該院所奏。惟思呼圖克圖之呼畢勒罕。年
歲尚幼。自藏至庫倫途路甚遙。朕甚不放心。著四川
陝甘總督西甯辦事大臣等。於該呼圖克圖之呼畢
勒罕。自藏至庫倫一帶經過地方。務須多派官兵。小
心謹慎。妥為照管。以示朕軫念呼圖克圖之呼畢勒
罕至意。○二十八年

諭布彥泰等奏酌派官兵請委總兵統帶出卡一摺。此
次哲布尊丹巴呼圖克圖之呼畢勒罕。前往庫倫。經

行青海地面。著派涼州鎮總兵楊錄之馳往西甯。統帶哈勒吉那添派之蒙古兵及漢兵迅速出卡。前赴柴達木邊界迎護前進。務當加意慎重。小心防護。俾得安謐過境。毋稍疏失。用示朕懷柔至意。○咸豐元年

諭。據哈勒吉那奏呼畢勒罕現在吹布藏寺住坐。並派兵保護一摺。章嘉呼圖克圖之呼畢勒罕。現經吹布藏呼圖克圖暨章嘉呼圖克圖之徒弟依格凝等。延請到寺。並經該大臣嚴飭就近之威遠白塔二營。派兵保護。並派署總兵崇保酌派兵丁。在於該處輪流

巡緝自可不致疏虞。哈勒吉那已前赴該處照料。現在既派員帶兵保護。呼畢勒罕業經平安居住。該大臣即可回任。毋得稍涉張皇。○又

諭。穆騰額奏達賴喇嘛於明年前往布拉濟綑及齊齊克塔拉等寺。請派駐藏大臣一員護送。抑或另派一官護送一摺。所有達賴喇嘛遵照前世達賴喇嘛前往舊建寺廟。熬茶布惠。化導下人。其意出於至誠。朕心甚為嘉悅。惟是該達賴喇嘛現在年幼。且齊齊克塔拉距藏較遠。著照穆騰額所請。俟該達賴喇嘛明年擇吉前往齊齊克等寺講經之時。即派恩特亨額

妥為保護